



**Inatsisartunut ilaasortaq
Randi Vestergaard Evaldsen
Demokraatit**

Brevdato: 26-06-2018
Sags nr. 2018 - 11913

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

**Suliffeqarnermi ilanngaatiq sulissutigineqarnera pillugu § 37 naapertorlugu
apeqqut nr. 2018-091-imut akissut**

Asasara Randi Vestergaard Evaldsen

Suliffeqarnermi ilanngaatiq sulissutigineqarnissaa pillugu apeqqutinnut qujanaq.

**1. Akileraartarneq pillugu iluarsartuussinissaq sulinermit ilanngaat ilanngullugu
suliarineqalerpata Naalakkersuisut illuatungiliuttut ilaatissamaarnerlugit aamma
taamaassappat qanormita?**

Naalakkersuisut inatsisissatut siunnersuummik saqqummiussinnginneranni ingerlataqartut susassaqtut suleqatigalugit, tassungalu ilanngullugu naatsorsuutigineqarluni kommunit suliffeqarnermilu illuatungeriit suleqatigalugit inatsisissaq piareersarneqassaaq. Akileraartarnermut suliassaqarfimmi iluarsaaqqinnissaq pillugu apeqqut aningaasanut inatsisip partiinut isumaqatiginninniutiginissaani aamma saqqummiunneqarsinnaavoq. Naalakkersuisut siunnersuummik saqqummiussinissamut piareerpata tamatuma Inatsisartunit oqaluserineqarneranut atatillugu partiit tamarmik soorunami peqataatinneqassapput.

**2. Naalakkersuisut qinnuigineqarput kisitsisinngorlugu takussutisseqqullugu
sulinermit ilanggaat ukiumut imatut aningaasartalik: 1.000 koruuninik, 5.000
koruuninik, 10.000 koruuninik, 15.000 koruuninik, 20.000 koruuninik, 25.000
koruuninik aamma 30.000 koruuninik eqqunneqassagalarpat tamanna
Landskarsimut qanoq akeqassanersoq. Naalakkersuisut kisitsisinik
takussutissiinerminni nikerarnerit sunniutaat ilanngutissanngilaat.
Naatsorsukkanik apeqquteqartumit ujartorneqartunik naatsorsukkanik
takussutissiornissamut § 37 naapertorlugu apeqqutit aqputiginissaat tunngavissat
malillugit ileqquunngilaq. Tamatuma saniatigut kisitsisit pingaarutillit ilaat
pigineqanngippata apeqqutit taamaattut tunngaviusumik isigalugu**

akineqarsinnaangillat. Ilanngaat assersuutigalugu sulisartunut tamanut iluaqutaassappat isertitaqartartut aalajangersimasut kisimik iluaqutissinneqarsinnaapput aammalu isertitat qaffappata tamanna qanoq atorunnaarsikkiartuaarneqassava?

3. Pisortanit ikiorsiissutinik pisartagallip ataatsip sulilerneru Landskarsimut qanormita iluanaarutaasarpa? Piffissap ingerlanerani kisitsisit assigiinngitsut eqqaaneqartarnikuupput naliginnaanerusimavorli taaneqartarluni ukiumut 250.000 koruunit iluanaarutigineqartartut.

Innuttaasoq pisortait pilersorneqartoq suliffeqalerpat pisortat aningaasaataannut 140.000-it 200.000-it akornanni iluanaarutaassasoq Aningaasaqarnermut Naalakkersuisoqarfimmit nalilerneqarpoq. Aningaasanut taakkununga ilaatinneqarput akileraarutinut akiliutit amerlissutaat aammalu pisortat ikiorsiissutaasa ikilissutaat (pingaartumik suliffeqanngikkallarnermi ikiorsiissutit, pisortanit ikiorsiissutit, ineqarnermut tapiissutit aamma meeqqanut tapiissutit).

Pisortanit ikiorsiissutit annertussusiat suliffissaaleqisumit suliffissaaleqisumut assigiinngissuteqarmata tamanna erseqqissumik taggineqarsinnaangilaq. Suliffissaaleqisup sulileruni akissarsiassai qanoq amerlatigissanersut apeqqutaassaaq.

4. Naalakkersuisummita akileraartarnermut iluarsartuussinerup (ilanngullugu sulinermut ilanngaat) qanoq aningaasalersorneqarnissaa takorloorpaat? Tamanna pissava taamaallaat akileraarutinik aamma akitsuutinik allannortiterinikkut imaluunniit pisortat ingerlatsiviisa angissusaat qissiminneqassamaarpa aamma inunnik ikiorsiissutit annertussusaat?

Tamanna pillugu misissueqqissaarneq maanna ingerlanneqarpoq. Apeqquummi pineqartut tamarmik isumaliutigisani tunngaviumik isigalugu ilaatinneqarput.

5. Naalakkersuisut akuerinerlugu sulinermut ilanngaammik eqqussineq iluanaarutissartaqartoq aamma taamaattoqarsimappat suut sunniutit Naalakkersuisut tikkuarusuppaat? Naalakkersuisut oqaatigerusussinnaanerlugu nikeriarnerit tikkuakkatik qanoq annertutigissanersut taamaasillunilu taakku landskarsimut qanoq iluanaarutaatigissanersut?

Sunniutissat nikerartuussasut ilimagineqartariaqarpoq. Sulinissamut kajumissuseqalersitsineq annertusigaangat inuit suliffeqalersut amerlisartut Suliassaqarfik pillugu atuagassat takutippaat. Sunniulli tamanna qanoq annertutigissanersooq suliassaqarfik pillugu atuagassiani nalornissutigineqarpoq. Aamma nunani allani misilittakkat Kalaallit Nunaanni atorneqalersinnaanersut nalorninartoqarpoq. Sunniutissanut nikerartunut apeqqutaassaaq suliffeqarnermi ilanngaat qanoq iluseqartinneqassanersooq. Apeqquut 2-mut akissummi oqaatigineqartut tunngavissat taamaattut amigaatigineqarput. Taamaalillunilu sunniutissat nikerartut qanoq annertutigissanersut naatsorsorneqarsinnaangilaq. Qularnangilarli suliffeqarnermi ilanngaat Nunatta Karsianut ukiumoortumik millionilikkaanik annertuumik aningaasartuutaassamat.

6. Inatsisartut maajip ulluisa 24-ani ataatsimiinneranni immikkoortoq 17-p oqallisiginerani Aningaasaqarnermut Naalakkersuisoq oqarpoq sulinermut ilanngaat eqqunneqassagaluarpat tamanna akissarsiaqqortunerit immikkut akileraartalernerannik akilerneqarnavianngitsoq. Demokraatini paaserusupparput Naalakkersuisut taamatut oqartoqarnikuunera uppersarsinnaaneraat.

Akissarsiaqqortunerit immikkut akileraarnerulersinnerisigut suliffeqarnermi ilanngaatip aningaasalersorneqarnissaa Naalakkersuisunit pilersaarutigineqanngilaq.

7. Akileraartarneq pillugu iluarsartuussinissaq pingajalersoq pillugu Naalakkersuisut allanik soqutigintunik paasissutissiisinnaanerlutik? Naalakkersuisut annertunerusumik paasissutissaateqanngillat.

Inussiarnersumik inuulluaqqsillunga


Pele Broberg